



**Forum Competens Quæstionibus ex Universo Jure
selectis, atque ad praxin utilissimis illustratum, Seu
Tractatus Canonico-Civilis**

Friderich, Melchior

Ingolstadium, 1709

§. IV. An conveniri in loco Contractûs possit, qui in alium locum solutionem
condixit?

[urn:nbn:de:hbz:466:1-61662](#)

tradunt Zaf. in L. ult. ff. de Jurisd. Matth. Stephani l. c. n. 33. & 34. Haunold. tom. 5. de Just. tr. 1. n. 358. eò quòd, dum immatriculantur, promittunt, quòd se sistere velint, quando citantur à creditoribus vel Rectore.

§. IV.

An conveniri in loco Contractū possit, qui in alium locum solutionem condixit.

SUMMARIUM.

188. *Contrahens non in loco contractū, sed in illo, in quem solutionem condixit, conveniens est.*
189. *Dummodo pactum de solutione alibi facienda contractui immediate fuerit adjectum.*
190. *Procedit assertio etiam de Clericis.*
191. *Quando debitor promisit respondere, ubique convenire potest.*
192. *Promittens solvere, ubi creditor voluerit, conveniri solum potest in loco domiciliū vel contractū, nisi aliunde desumatur, quòd voluerit se obligare ad quocunque forum.*
193. *Promittens solvere in certo loco vel ubique creditor plauerit, conveniri solum potest in loco nominato, & locis non multū distantibus.*
194. *Qui promisit solvere Monachij & Ingolstadij, conveniri utrobiusque potest, sed non ad totam utroque in loco summam.*
195. *Ad totam verò summam utrobiusque, si promisit solvere Monachij vel Ingolstadij. Estque tunc electio fori penes creditorem. Sicuti est inter Forum Contractū & Domiciliū.*
196. *Quin non solvit in loco, in quo solvere promisit, conveniri potest in loco Contractū vel Domiciliū.*
197. *Quoad formam contractū, interpretationem, ac vim obligandi, attenditur locus, in quo is initus fuit, non in quem destinata est solutio.*

188. Contrahentes non in loco contractū conveniri posse in illo, in quem destinata est solutio, apertum est ex C. dilech. 17. de For. comp. ibi: *quia et si fuisse privilegium tale (ut extra patriam conveniri non possent) concessum, non tamen prodesse tilis, qui se certo loco respondere, vel solvere adversarijs promise runt, cum ibi, & ubi domicilium habent, valeant conveniri.* Ratio est: *quia contraxisse unusquisque in eo loco intelligitur, in quo ut solveret, se obligavit.* L. 21. ff. de O. & A. & contractū non utique eo loco intelligitur, quo negotium gestum sit, sed quo solven da est pecunia. L. 3. ff. de reb. auct. Jud. poss. Et quidem conveniri in loco solutioni facienda destinato etiam advena potest, quamvis statim inde discessurus. Gloss. in C. 1. §. nec etiam de For. comp. in 6. v. respondere, & ibid. Dominic. & Franc. Barbol. in cit. §. proinde n. 131. Oliva cit. q. 22. n. 35. cum Bart. Perusin. Aretin.

189. Ut tamen debitor non in loco contractū, sed destinatæ solutionis conveniri possit, juxta Felin. in C. ult. de For. comp. n. 17. & Butr. ibid. n. 12. Dec. in L. si convenerit ff. de Jurisd. col. 22. v. tertio prædicta, ac alios, necesse est, pactum de solutione alibi facienda contractui in continentia adjectum fuisse; si enim fieret hoc pactum solum ex intervallo, vi illius conveniri quidem is posset etiam in loco destinatæ solutionis, non tamen excludetur locus contractū, sed conveniri in utroque posset. Necesse insuper est, ut reus ibi inveniatur, ubi solvere promisit. Dec. l.c. n. 23. ubi id dicit esse receptum, Covarr. cit. c. 10. præct. n. 6. v. undecimo, Barbos. in L. 19. §. 1. de Judic. n. 51. Cum enim censetur quisque contraxisse ibi, ubi solvere promisit, ut modo diximus ex L. 21. ff. de O. & A. in loco autem contractū juxta dicta n. 180. nemo conveniri possit, nisi ibi reperiatur, consequens est, nec in loco solutioni destinato conveniri posse, nisi ibi reperiatur. Si tamen non tantum hic solvere, sed etiam hic se sistere iudicio promisit, causa hue remittenda erit, & respondere hinc tenebitur promissor, tametsi hic non reperiatur. Covarr. l. c. v. duo.

duodecimo cum Bald. Jaf. Dec. Rip. Felin. Curt. Jun. arg. L. 7. §. 1. ff. qui satisd. cog. Idem dicendum est, si certo loco solvere promisit, simûlque foro proprio renunciavit. Covarr. l. c. n. 5. v. sexto, Barbos. l. c. n. 56. cum communi, & patet ex dictis n. 182. Idem denique dicendum existimat Covarr. l. c. n. 6. v. decimo tertio cum Innoc. Bald. Dec. Jaf. Alciat. ac alijs, de casu, quo quis solvere promisit certam pecuniae quantitatem certo loco & tempore, v. g. Ingolstadij in nundinis S. Mauritiij, posséque in his nundinis hîc conveniri, etsi hîc non reperiatur, & remissionem hoc faciendam esse: eò quòd per dolum censeatur abesse, si constituto tempore ac loco non adfuerit, ac propter dolum judicetur adesse, sicut quoad effectum conventionis censetur possidere, qui dolo desiit possidere. *L. is qui dolo, & L. sin autem §. 1. ff. de rei vind.* Verum contra hanc doctrinam meritò insurgunt Barbos. in cit. §. 1. n. 40. & Oliva l. c. n. 38. nam cit. C. 1. §. 3. de For. comp. in 6. contra absentes, *sifortè malitiosè seipsoſ occulent* (ut ait Pontifex) *ne citatio perveniat ad eosdem*, solum permittitur Judici contractus decernere faciendam immissionem in possessionem bonorum, quæ alibi habent.

190. Quod modò dixi, posse, qui solutionem condixit in certum locum, ibidem conveniri, etiam de Clericis procedit: etsi enim juxta dicta n. 182. non possint absque licentia proprii Episcopi prorogare jurisdictionem alieno; hoc tamen solum verum est de prorogatione directâ, non item de indirectâ, quæ fit, dum in aliena Dioceſi delinquunt, contrahunt, vel solvere promittunt: horum enim si quid fiat, jurisdictionem in ipſos alieno Episcopo Canones concedunt C. 17. & ult. ac C. 1. §. 3. in 6. de For. comp. ut dixi suprà n. 168.

191. Quid autem tenendum sit, quando solutio condicitur in locum incertum, aut certum quidem, sed multiplicem & varium, anceps quæſtio est, ad quam ritè decidendam multiplicem casum statui oportet. Primus est, quando debitor promisit respondere & solvere, ubicunque fuerit inventus. Afferunt hîc

h̄ic Bart. Fulgos. Jas. Dec. in L. si convenerit. 13. ff. de Jurisd. Panor. Butr. Felin. in C. 1. de Judic. ac passim alij, posse creditorem, in quocunque loco debitorem invenerit, solutionem exigere: dummodo, ut aiunt, locus sit tutus. Addendum est: dummodo notabile damnum ex solutione v. g. h̄ic facienda debitori non nascatur, prout fieret, si h̄ic pecuniam sub usuris mutuam sumere, aut cum impensis ē loco domiciliū eam petere, aut sua vendere deberet &c. ac interim creditoris parum interficit h̄ic vel alibi solutionem fieri. Variant quidem circa hunc casum opiniones DD. ut videre est apud Mar. Socin. in C. dilecti de For. comp. n. 31. & Ripa in C. 1. de Judic. n. 71. sed standum videtur communī sub dictis limitationibus.

192. Alter casus est, quando debtor promisit respondere aut solvere, ubi cunque creditor voluerit. H̄ic Bart. in L. Titium §. tutores. ff. de adm. tutor. n. 1. Panor. Butr. Jas. Dec. ac communis aliorum tenent, posse ubi vis locorum, ubi inventus fuerit, conveniri. Posse verò vi hujus pacti respondebo aut solvam, ubi cunque voluerit creditor, conveniri ibi, ubi repertus non fuerit, neminem, qui ass̄erat, inveni. Foret profecto hoc nimis onerosum debitori, ac idcirco censendum non est, quod se sic obligare voluerit; sed solum quod secundum leges, quae eum conveniri non permittunt in loco contractū vel destinatæ solutionis, nisi ibi fuerit inventus. Nisi forte expressè promiserit, se ubi vis, ubi voluerit creditor, comparitum; ut post Bald. notat Jas. in cit. L. 18. n. 41. E contrario cum eod. Bart. in cit. L. 18. n. 4. Duar. Costald. Donell. ac alijs, sustinent Matth. Stephani L. 1. de Jurisd. c. 29. n. 12. Treutler. vol. 1. diss. 23. th. 3. lit. G. & Bachov. ibid. Brunnem. in L. un. C. ubi conven. quiccert. loc. à n. 7. generalitatē paeti, quo debtor respondere promittit, ubi cunque conventus fuerit, restringi ad locum habilem & idoneum, videlicet domiciliū & contractū: eō quod censendum sit, hanc tantum mentem promittentis fuisse, sicut alia non est, quam hæc, si indefinite promittit, se responsū & satisfactū:

cum-

cumque id solum spectetur, ne facultas agendi intercidat, satis esse debere creditorī, si possit experiri illis locis, quibus aliās ius est. Et sic explicandos esse autumant textus L. 43. ff. de Judic. & L. 43. ff. de constit. pecun. ubi dicitur, ubique peti posse, & quocunque loco: quocunque videlicet agi potuisse, si locus adjectus non fuisset. Hæc sententia valde probabilis est: nisi quis expressè renuntiari foro domicili & contractūs, aut alijs ex signis constet, quod debtor per illam verborum generalitatem voluerit se obligare ad respondendum etiam extra duplex illud forum.

193. Tertius casus est, quando debtor dicit creditori Ingolstadij: *solvam Monachij vel ubicunque tibi placuerit.* Asserunt hic Butr. in C. 1. de Judic. col. 12. Panor. n. 22. Ripa n. 71. ac communis teste Mar. Socin. l. c. n. 30. posse conveniri solum Monachij & locis æquè distantibus, non verò remotioribus. arg. C. 15. de Rescript. & Clem. 2. de procurat. Conveniri posse quocunque loco etiam remotiōre cum Imola & Dec. affirmant Zanger. de Except. c. 1. p. 2. n. 154. ac alij nonnulli. Conciliat Barbosa l. c. n. 153. dicens, conveniri posse etiam in remotioribus, dummodo sint in eadem provincia. Quod etsi probabile sit, videtur tamen standum esse primâ sententiâ, cum ob auctoritatem DD. tum quod mens debtoris non videatur esse ad quemcumque locum remotissimum, etiam in eadem provincia, ad quem accedere non solet, se obligare.

194. Quartus est, quando promittit debtor solvere Monachij & Ingolstadij. In utroque loco solutionem posse exigī, dubium non est. Non tamen utrobique integra summa, v. g. centum, peti poterit, sed 50. Monachij, & 50. Ingolstadij: nam, ut ait JC. L. 2. §. 4. ff. de eo, quod cert. loc. si quis stipulatur, Ephesi & Capuae, hoc ait, ut Ephesi partem & Capuae partem petat; cum natura copulæ sit æqualiter distribuere copulata. L. reos 11. §. 1. ff. de duob. reis. Socin. l. c. n. 29. Ripa l. c. n. 69. Hinc si tota summa alterutro in loco peteretur, obstaret exceptio plus loco petitionis. L. 4. ff. de eo, quod cert. loc. nisi adjunctum fuerit in solidum; tunc enim exceptione summæ uti debitornon poterit.

U

195.

195. Quintus est, quando dicit debitor, se soluturum Monachij, vel Ingolstadij. Utrobique seu alterutro in loco tunc agi poterit, & quidem ad integrum summam, cum utrobique contraxisse censendus sit. *L. 21. ff. de O. & A. Socin. l.c. n. 28. Zanger. l.c.n. 134.* Cujus verò sit electio, creditoris, ubi convenire velit; an debitoris, ubi conveniri, dubitatur. Respondeatur: eti in alternativis electio sit penes debitorem quoad res alternative debitas *reg. 70. Jur. in 6. & L. plerumque ff. de jure dotium:* quoad locum tamen exigendi arbitrium est penes creditorem. *cit. L. 2. §. 3. ff. de eo, quod cert. loc. dari oport. C. dilecti 17. de For. comp. ita tamen, ut antequam creditor exigat, debtor alterutro, quo maluerit, loco solvere possit. cit. §. 3. v. & generaliter.* Pariter in arbitrio actoris est, debitorem convenire in loco contractus vel domicilij, alióve, ubi respondere vel solvere promisit. *Arg. L. 19. §. ult. & L. 52. §. 3. ff. de Judic. L. 25. pr. C. de Ep. & Cler. & ibi Bald. Afflct. decis. 257. Zanger. l. c. n. 205.* cum forum ex contractu vel quasi acquisitum non tollat forum domicilij, sed forum foro accumulet. *C. 8. & 20. de For. comp. & ibi Canonistæ.* Ibi tamen finem accipere debet actio, ubi fuit intentata, cum sit locus præventioni, quæ fit per solam citationem. *L. pen. ff. de petit. hæred. & L. quis 7. ff. de Judic.*

196. Quæstio superest, ubi conveniendus sit debitor, qui non solvit certo loco, quo solvere promisit. *Arbitrariâ actione & in alio loco potest conveniri,* respondet Imp. *L. un. C. ubi conven. qui cert. loc.* Sed dubitatur etiamnum, an ubivis, ubi reputatur, conveniri possit. Negandum est cum communi DD. quia adjectus locus facere non potest, ut ibi conveniatur, ubi alias nullo adjecto loco non conveniretur. Igitur conveniendus est in loco domicilij vel contractus: eritque tunc Judicis aestimare, quanti intersit actoris vel rei, destinato loco factam non esse solutionem. *L. 3. ff. de eo, quod cert. loco.*

197. Cæterum quæ hactenus dicta sunt de conveniendo reo non in loco contractus, sed in loco destinatæ solutionis, so-

sum procedunt de ipsa conventione : nam quoad reliqua consideratur locus ipsius contractū, videlicet quoad ejusdem solemnitates, vim obligandi , interpretationem &c. ita ut quoad ista observanda sint statuta loci, in quo contractus est initus. Bart. in L. cunctos populos de SS. Trin. n. 16. Bald. in L. 1. C. ne fil. pro patr. n. 5. Alex. L. 5. conf. 41. n. 4. & in C. ult. de For. comp. Panor. n. 3. Butr. col. 5. Felin. n. 18. Patet ex L. si fundus 6. ff. de evictio. Nec obstat, quod dicitur L. 21. ff. de O. & A. contraxisse unumquemque intelligi in loco , in quo ut solveret, se obligavit: haec enim est solum fictio juris quoad facultatem conveniendi, re ipsa autem contractus celebratur, ubi verba profertur, vel scriptura fit, quibus contrahitur. Panor. & Felin. l.c. Dec. Jaf. ac alij apud Barbos. in cit. §. proinden. 64. Ex quo contra Bald. & Tiraq. communiter inferunt , gabellam , sicubi ex contractu solvit, solvendam esse in loco contractū, non destinata solutionis.

§. V.

Quomodo contra debitorem in loco Contractū procedendum sit.

S U M M A R I U M .

198. *Contra contrahentem citatum in loco contractū procedi potest, tametsi absens sit.*
199. *Si non comparet intra terminum præfixum, contumax habetur.*
200. *Si ante citationem abijt, compelli non potest ad se sistendum iudicio, nisi in loco contractū domicilium habeat.*
201. *Immissio ex secundo decreto contra absentem prius non citatum facienda non est.*

198. De peregrino hīc sermo est , seu illo , qui extra locum sui domicilij contrahit : si quis enim in loco domicilij contrahat, vel ibi ratione contractū alibi celebrati conveniatur , agi adversus